

帝
京
景
物
略

帝京景物志

卷之三

城南內外

關帝廟

藥王廟

金魚池

明因寺

李皇親新園

法藏寺

隆安寺

報國寺

長椿寺

憫忠寺

以上城內

草橋

胡家村

韋公寺

弘仁橋

南海子

聚燕臺

白雲觀

觀音寺

天寧寺

盧溝橋

以上城外

帝京景物畧 卷之三

遂安方逢年 定

麻城劉 侗

修

宛平于奕正

關帝廟

關廟自古。今徧華夷。其祠于京畿也。鼓鐘接聞。又歲有增焉。又月有增焉。而獨著正陽門廟者。以門下宸居近左。宗廟右社稷之間。朝廷歲一命祀。萬國朝者。退必謁。輜輳者。至必祈禱也。祀典

歲五月十三日、祭漢前將軍關某、先十日、太常寺題、遣本寺堂上官行禮、凡國有大災、祭告之、萬曆四十二年十月十一日、司禮監太監李恩齋捧九旒冠、玉帶、龍袍、金牌、牌書、勅封三界伏魔大帝、神威遠震天尊關聖帝君、于正陽門祠、建醮三日、頒知天下、然太常祭祀、則仍舊稱、史官焦茲曰、稱漢前將軍、戾志也、天啓四年七月、禮部覆題得旨、祭始稱帝、先是、成祖北征、木雅失理、經濶藥

海至幹難河。擊敗阿魯台。勒名榆胡山。軍前每見
沙。蒙霧藹中。有神。前我軍驥。其中袍刀。仗貌色髯。
影果。然關公也。獨所跨馬白。凱還。燕市先傳。車
駕北發日。一居民所畜白馬。晨出立庭中。不動不
食。哺則喘汗。定乃食。回蹕則止。事聞。乃勅崇祀。
祠有修撰焦茲碑。廣告士董其昌書之。碑辭曰。桓
桓關侯。天挺神武。流連草昧。歸心漢緒。逸羣絕倫。
爲帝禦侮。勇摧七將。氣吞羣旅。報曹詎盪。誓吳非

忤炳炳丹心。天高日午。鬱鬱遺魂。駭霆怒雨。蒸哉
文皇。幽燕啓土。侯何護之。如棟斯礎。曉霽陰風。
弓刀楚楚。伏膺朝昏。有來士女。卜以筵茅。如荅袍
鼓。子孝臣忠。弟友兄序。匪耳提之。稟而相語。義舉
長信。奸謀過沮。侯其冥冥。有紛獯虜。侯甲嵬嵬。亦
赭其馬。乘風奮揚。天兵鬼斧。永祚皇圖。爲百神
主。牲牲既肅。既歌且舞。孔蓋祇臨。霓幢紛下。敬勒
銘辭。浩歎終古。祠籤跪而偈報。而頓首謝者。恒數

人旁跪而代者恒數人、挨擠而歿者恒數十人、
無虛刺、籤語答一如其來事、各惕然去、作咎後無
爽者、

廣東全、天敘、正陽門關祠、○草昧雲龍合、神霄鐵
馬驤、壯心懸日月、獨力荷倫常、赫怒空羣醜、行
師庶一匡、英雄青簡淚、車騎白雲鄉、神器何來
沸、炎精億不芒、太阿迷倒柄、冠履錯恒方、冀北
黃巾噪、關東赤旆央、老瞞耽虎視、孫豎劇鴟張、

卓絕都勃敵，削徐百戰場。醜顏尸爵祿，皮志啓
封疆。膏血腥分土，戈鋌混八荒。紅塵飛檄箭，白
日掃欃槍。涿野游麟定，中原覓鳳翔。寒烟噓庭
火，遠畧樹樓桑。說述平原鹿，誰憐燬室魑。髣髴
決聖主，赤手挽天潢。豐沛從龍種，雲達齒馬行。
深心憂國惜，大義報劉長。語用金蘭契，情同魚
水忘。尊王採左氏，憤亂結中腸。杖策徇京雒，奉
檄畧河陽。時欣乘驥附，勇克捷鷹揚。卻敵千軍

發盟心百鍊剛、運謀藏鬼域、裂背燼天狼、懸王
心逾石、辭曹語益莊、下邳解玩寄、官涉亦助勤、
立結酬隆禮、披裘暴太陽、無辭就桀共、終學報
韓良、大業荆南期、英風夏口渡、濟師收四郡、蕩
寇領全襄、拒肅陰謀伐、從詩亮節張、笑談渾視
鬼、樽俎竟隳防、繫縛金虬怒、俘囚白馬戍、刺顏
還頓轡、誅華漫停觴、敦悅稱名將、難危念國殤、
精忠一劍在、火德萬夫望、

□□沈一中謁關公祠○漢末苦強弩義士刺心
 血。間氣有獨鍾。肝腸鑄爲鐵。當時三尺劍。光華
 射寒月。荆襄侯。理昭。社屋一朝折。身從赤帝殞。
 神往千秋烈。或祭神鬼。謀或壯山河。言至今天
 地間。春秋。稟昭揭。倪首懷天人。風吹滿腔熱。

□□趙欽湯謁關王廟○稟烈貞元氣。時並蜀吳
 人。從龍。嘯赤伏。躍馬踐黃巾。北陸盟皇甫。南陽
 協帝臣。煌煌扶漢誼。萬古鎮常新。

蕭山來立相謂開公祠○漢祚雖移義未移建安
還識舊威儀異胞兄弟同心處百折君臣一體
時鼎立宵容分正統春秋志在震華夷大明門
下朝宗者日在懸知肝膽私○英雄何必問功
成自有孤忠薄太清真主獨知歸帝胃偽降無
計出樊城亭侯已謝生前號壯終空悲死後名
日月雙懸天地在字雲應不媿長生

□□彭夢祖題開公祠○漢日西山巔戰鼓喧烽

烟赤帝尚有裔三尺相周旋美髯飄飄赤兔
桃園結盟對天地神州不改漢山河白日在空
明此志單刀欲截長江流五關猛將失其頭樓
船北指華夏震四海計日仍歸劉皇穹厭漢乃
如此白衣蔽江鼓聲死陰風慘慘長空裂當陽
之事堪切齒我公赫赫雷在天雖亡未亡千百
年戈戟森森乍明滅處處拯人無危顛憐旣無
酒玉泉涕萬方尸視同蒸祀煌煌帝關廟貌尊

旗門拜禱歲復歲。吁嗟平古來如公幾丈夫。願
公關天關。提昆吾。東浮海氛。西擊胡。刳牲伐鼓
向公娛。公兮爲我駐須臾。

荊州曹國掾恭謁關聖○魚爲龍今君失臣漢運
已盡生將軍。奸雄得志公憤怒。直與天命爭三
分。三分土宇勢難一。公身亦隨漢運失。漢業乃
因氣數遷。公心天地移。不得嗚呼公之辛苦不
欲見漢傾。豈與韓彭同功名。

鄧縣水佳龍謁關帝祠○漢季挺至人忠懷迥雲
際寸心照天常矢死從皇裔中山重一發復散
留在荆奮勢收江南西蜀承漢系義師下襄樊
七軍淹水漲老瞞落心膽敢復僭言帝瞞古鮮
王儔高風師百世

山陰王思任恭謁正陽門關帝廟有紀○筵尊鵠
聯擠黃昏七尺英風帝凱存只把人中提萬國
大明先謁正陽門

江寧凌世紹謁開帝廟○草澤雄炎振大綱燕山
應應秋茫茫雲中高倚青龍影天上孤懸赤日
光忠孝有人稱是漢鼓鐘無地不尊王博觀九
土生玄慨長托麟書別聖狂

藥王廟

天壇之北藥王廟武清侯李誠銘立也廟祀伏羲
神農黃帝而秦漢來名醫侍伏羲嘗草治砭以制
民疾厥像蛇身麟首渠肩遠掖廢目珠衛駿毫翁
鰲龍唇龜齒葉掩體手玉圖文八卦神農磨蜃轆
菱蔡色難嘗草木而正名之病正四百藥正三百
六十有五爰著本草過數乃亂厥像弘身牛願龍
顏大脣手藥草黃帝咨于岐雷而內經作著之玉

版、厥、像、附、函、挺、朶、修、葺、花、廬、袞、冕、服、左、次、孫、思、邈、
 曾、醫、龍、子、出、千、金、方、平、龍、藏、者、右、次、韋、慈、藏、左、將、
 一、丸、右、躡、黑、犬、人、稱、藥、王、也、側、十、名、得、三、皇、時、之、
 岐、伯、雷、公、秦、之、扁、鵲、漢、之、淳、于、意、張、仲、景、魏、之、華、
 陀、晉、之、王、叔、和、皇、甫、謐、葛、洪、唐、之、李、景、和、蓋、儒、道、
 服、不、一、矣、藥、者、勿、藥、者、藥、效、罔、效、者、月、朔、望、焚、楮、
 香、祈、報、弭、焉、男、女、彭、彭、然、晨、風、興、午、條、罷、左、舞、碑、
 文、書、丹、俱、恭、順、侯、吳、惟、英、也、天、壇、臨、溪、決、當、門、門、

磨之黃垣一周。樹頭屯屯。方殿倚倚。園丘蒼蒼。磨
平壇。而婦人孺子。有揚步漫指。踞笑錯立。族談者。
人。或閔然爲作怖畏。西天慶寺。宣德十年。僧達菴
建。西慈源寺。成化二年。指揮朱善建。東關廟一楹。
俗傳吳將姚彬。盜公馬而獲。強不屈。廟望縛彬像。
臂弩出于縛。公戎巾服。作色左顧。彬反面色不
屈。侍將七。怒色。視聽指歸乎彬。捶者。瞋彬。色作努。
縛彬者。仰公而色然。受命馬回望公。其色噴沫。人

曰隋像也。呼姚彬開王廟云。

萊陽左懋泰藥王廟。○像失藥王祠。結懋侯、皇寧、
男女趨潮聖。石碣思鴻藻。披圖者義皇、炎帝、喚
蒙茂、軒轅內經作三聖相折衷。後賢左右之坐
以列西東。一事有本末。資生寧終窮。若金石草
木。虫蛇施其躬。岐雷生相踵。金古無疲癯。

金魚池

金故有魚藻池。舊志云。池上有殿。榜以瑤池。殿之址。今不可尋。池泓然也。居人界而塘之。柳垂覆之。歲種金魚以爲業。魚之種。深赤曰金。瑩白曰銀。雪質黑章。赤質黃章。曰瑤瑁。其魚金。貴乎其銀周之。其魚銀。貴乎其金周之。而別以管若篴。管者鬣下而尾上。周其身者也。篴者不及鬣。周其尾者也。魚有異種者。白而朱其額曰鵝珠。朱而白其脊曰銀。

較朱脊而白點七日七星白脊而朱畫八日八卦

有蝦種者銀目金目雙環四尾之屬種故善變飼

以渠小蟲魚則白白則黃黃則赤無生而赤者魚

病二日為白瘟變而白點生蝨也法以糞浸新磚

投之鱗張如脫者瘟也法以新藍布擦之魚死三

石肥皂水得一死橄欖粗得二死核桃皮水得三

死天將雨魚拍拍出水而水底蒸如熱湯也歲穀

雨後魚則市大者歸他池若沼小者歸盆若盎若

琉璃甌、可得旦夕游活耳。歲盛夏、游人携壘飲此、投餅餌、唼呷有聲。其大者、銜餌竟去。按金魚、古未聞。鼠璞曰、惟杭六和寺池有之。故杜工部詩沿橋待金鯽。竟日爲遲留。蘇子瞻曰、我識南屏金鯽魚。今亦貴。鯽不售。鯽蓋魚壽莫如鯽。金鯽則天且搏身而鴻。且投餌不應。且游遲遲。不數擲出波間也。池陰一帶園亭多于人家。南抵天壇、一望空濶。歲午日、走馬于此。關西胡侍曰、端午走馬、金元蕭柳。

遺意也。蕭柳。今名射柳。

景陵譚元禮晚晴步金魚池。○簾開我爲晚晴出。
萬葉沉綠淺深。一滴滴躍躍洗池塘。朱魚撥刺
表文質。接養生水水氣鮮。霞非赤日碧非遠。兒
童拍手晚光內。如我如魚急風烟。士女相呼看
金鯽。獻盡趣竭餅餌。擲不携一樽。淡然觀薄暮。
奕奕有此客。

京山王應翼金魚池觀魚歌。○清曠中邊疏碧沼。

眇之域之。蛟巨小。素湍平靜。不潛鱗。柳匝烟垂。
敷荇藻。揚鬢唾。影復唾。香咽咽。唼唼接。昏曉爭。
投餅餌。濺苔花。貪者競。攫廉者掉。亂采雲霞紅。
欲然孔樂所求。游展少。依夕言歸。波與恬魚亦。
下休朱光葆。

明因寺

僧之律不得俗家居。獨而圓飄。衆而叢林。有時過
都市。視都市寺院。顧猶俗家無愈也。正陽門外三
里河東之明因寺。乃行僧樂居之。萬曆二十九年。
紫柏大師自五臺來。夜夢十六僧請挂瓶鉢。亭午
有負巨軸售者。軸十六貫。休所畫羅漢也。軸軸展
視。面面若舊曾識。夜請掛瓶鉢者僧。俱是也。師嘆
異。購之。各係以贊。傳寺中。今絹素敝。墨如蛻痕。纒

黃如現身烟雲中。非承日光展視。則蒼蒼無所見。乃日下視久。眩眩目睛勞。目前見黑矣。無能竟閱十六軸者。寺先是有李伯時渡海尊者卷。不知何年何人脫賺去。存者贗本。而僧不知。天啟二年。董宗伯其昌過此。書佛成道記。筆秀勁似李北海。宗伯三十年前。見紫柏此寺中。索書成道記。尋前諾也。今搨石矣。置寮左壁。寺僧雪崖。以講宗。即崖以講經。著都門。而僧乾峰念佛三十年。都人無知者。

崇禎四年正月十六乾峰日燈夕也邀湖州章孝
廉日於茗飲飲次嘆浮生者再呼童子歌中峰皮
袋子歌歌竟立化年七十僧臘五十

湖州朱國楨過明因寺○坐尋靜處入僧家僧老
家貧不具茶紅點石榴垂向客白殘粉壁亂粘
蠟豐碑嘆想前朝盛往蹟縱橫數字斜過問無
人閉十日新聞啟事又爭差

武進吳亮明因寺贈覺上人○門前十丈見塵尾

門內誰知衲子休、切切餘殘灰不熱、宗宗破盡
拂還留、深藏朝市鐘、相近、繞過、城闌、月、便、幽、每
至爲瞻尊者像、海天佛日夢悠悠、

湖州支如玉明因寺、坐、坐、坐、久、生、問、思、爲、憐、蟬
炬、明、暗、銷、身、內、潤、高、立、世、間、名、月、下、螢、虛、照、風、
前、葉、亂、鳴、還、將、蕭、颯、意、永、夜、聽、鐘、聲、

李皇親新園

三里河之故道已陸作又然時雨則淖潦決決然河也武清侯李公䟽之入其園園遂以水勝以舟游周廊過亭材駿陞修巨浸而孤浮入門而堂其東梅花亭非梅之以嶺以林而中亭也砌亭朶朶其爲瓣五曰梅也鏤爲門爲牕繪爲壁甃爲地範爲器具皆形以梅亭三重曰梅之重瓣也蓋米太僕之漫園有之亭四望其影入于北渠渠一目皆

水也。亭如鵝臺如鳬樓如船橋如魚龍。歷二水關。長廊數百間。鼓棹而入。東指雙楊而趨詣飯店也。西望偃如者酒肆也。鼓而又西。典舖餅爇舖也。園也。漁市城村致矣。園今土木未竟爾。計必繞亭過梅。廊過桃柳荷蕖芙蓉。夕又過燈步者泛者。其聲影差差相涉也。計必聽遊人各解典具酒且食醉卧汀渚。日暮未歸焉。

京州吳惟英遊李武清新園泛舟○海淀微嫌道

路長背城特地又新莊、登舟我欲偕元禮、選石
君宜學贊皇、環榭依臺渾、是水繞花沿桺半爲
廊、莫愁酒盡雙楊下、村店青帘帶夕陽、

法藏寺

北地高以風故能塔不能空。天寧寺隋塔也。妙應寺遼塔也。慈壽寺明塔也。遠可以望。近或禮之。無人登焉者。他岌岌支提塔耳。法藏寺彌陀塔。獨空可登。塔十丈。窓面面。級盤盤。人蟻上而闚觀。牕牕方望。九門之堞全焉。牕置一佛。佛設一燈。凡牕八。凡級七。凡五十八。佛凡五十八。燈歲上元夜。塔遍燈。僧遍繞。奏樂樂佛。金光明空。樂作天上矣。寺舊

名彌陀、金大定中立、景泰二年、太監裴善靜修之。
更曰法藏、有祭酒胡淡沙門道孚二碑。道孚、戒壇
第一代戒師、世人稱爲頭祖師也。

信陽何景明九日同張繕部劉符臺遊法藏寺○

東林地僻無人到、九日天清有伴尋、在野興深
增感慨、望鄉心遠慰登臨、叢篁雨歇春晴碧、老
僧霜留古殿陰、共酌昏鍾驅馬出、獨聆風鶴送
餘音、

登塔○古塔層城畔，秋毫萬里看。登高携賦客，落日眺長安。天地玄相抱，江山鬱自盤。誰能絕頂上，不避北風寒。○塔廊徐暗轉，不覺此身高。月牖通天漢，風簷散海濤。望餘秋色遠，登罷客心豪。去雁休回首，冥冥一羽毛。

助貽李言恭春日憩法藏寺○驅車方出郭，便覺好懷開。柳色沉山閣，花光照講臺。不妨僧入定，但共客行杯。三月春餘幾，還能載酒來。

願天劉效祖。法藏寺觀塔。○幾年不出城南路。偶
爲幽尋過梵宮。四壁烟霞空白日。滿堂鐘磬動
秋風。浮圖影落青林外。舍利光生晦夜中。汗龍
紛如閒步暝。九霄鈴鐸認西東。

願天毛銳。法藏寺塔。○虛塔憑高立。天風吹寂寥。
院花開昨日。碑字認前朝。風影壇光動。鈴聲海
夜潮。諸天來肅肅。星宿動寒霄。

京山王應翼。法藏寺觀塔。○七層窳堵七圍照。

緯緯明明分懸燦。霜露安敢蝕輝光。諸佛諸魔。
向燈笑。初疑天上火輪旋。又疑大內鰲山羅村。
林閃閃。烟氣中。一下一高。影繞我。隨僧衆。禮
光明。雁驚風急鈴鐺鐺。

隆安寺

隆安寺、天順間廢寺也。僧何年去、殿何年欽鑪、何年不烟、龕何年不燈、塵面佛何年金不浴、比鄰人登座、閉譚脫帽、除履襪、看童子踏佛肩、探雀雛去、行人繫馬金剛臂上、枕羅漢以卧、如是者百年、萬曆己酉、僧翠林自蜀來、閤嘆彌日、乃製巨鐵索、與韋馱共鎖頂、曝烈日中、而韋馱汗出于面、珠珠下、滴金錢大集、殿佛得更新、殿後堂三楹、日淨土壯

堂列龕五十三、結僧念佛、六時觀想、六時稱號、其稱號也、爲哀曼聲、一字數轉、千號半百刻淵淵悠悠、如大江海波也、林曰、稱佛名號、聲促、則觀想不備、聲舒、則有昏雜心者、首座端聽、乃可識之、戒尺及其頂、堂廣縱五丈、磚方以尺、火道旋其下、鑪聽外四端、日燄煤三百斤、堂溫始滿、溫周晝夜而冷定、又新煤矣、以燂念佛者、曰地炕也、歲元旦、設果餌、享佛、盤千數、費各一金、此一金、已曰千盤會也、

林歿乃罷其後一閣則崇禎元年僧大爲立者都
張諸寺僧律隆安爲猶肅

涼州吳惟英過隆安寺○城陰連梵宇鐘磬自相
聞僧嬾茶烟共客頻鄉語分昨星存曉樹遺塔
過春雲畧說閒閒是乘熏又市氛

報國寺

送客出廣寧門者。率置酒報國寺。二偃松下。初入
大王殿。殿堦數株。已偃蓋。旣瞻二松。所目偃蓋松。
猶病其翹楚。翹楚者。奇情未逮。年齒未促。逼也。左
之偃。不過簷甃。右之偃。不俯欄石影。無遠移。遙枝
相及。鱗鱗蹲石。針針亂棘。駭嘆久。松理出。蓋藤。脰
而蔓枝。旁引數丈。勢不得更前。急却而折。紆者亦
輪轉。然無意臻上也。被于地。則已耳。人朱在支其

時乃得踞踞行影中。僧視客顏定。導之上毘盧閣。
 望三殿日光四壁。雨色意氣始得揚。每日雲樹開。
 風定塵短。指盧溝與騎載負者。井井下閣。禮觀音。
 僧前通曰。密髮也。像可尺。寶冠綠帔。蹙面右倚。偃。
 左膝。膝承左手。手梵字輪。植右膝。膝植右肘。右腕。
 支頤焉。右倚不端坐者。晏坐也。右肘微鴻者。肘屈。
 拙也。準頤微偏右者。支頤也。維化身自定故。豈意。
 匠所能識。所敢擬。指禮罷。送客別意滿胸。奇情滿。

附

景陵譚元春天監七章爲報國寺二松賦○天監
明德京我燕疆我疆奕奕我松孔彰天謂我松
勿苟蒼蒼勿合抱斯大勿干霄斯長○不雷不
電厥根孔固不雨不露厥枝孔茂不照伊日不
臨伊月曾不受命祇異維則○憑則首之螭則
尾之鬼則否之神則唯之有西方聖端之委之
二木同心交濤接陰○一往十折有枝峯結數

盤一樓有條棧抽莫知爾萌莫知爾投彼君子
今莫知其繇○有蟲惑止多岐維悞有鴆迷止
鳴鳶以羶彼君子今莫知其故○騰騰帝京往
渡桑乾彼送者今執竿忘言彼君子今視聽不
遷○桑乾不遠馬鳴暉短彼送者今不遑執竿
彼君子今雙松之下

新野馬之駿報國寺松歌○祖休一杓遺割露倒
挿橫竿不知數亂緒直作觀敝折似遭鬼

神怒門前車馬日奔騰。門內煙霜如未曾。靜眼
閱將九朝物。蒼皮留供百年僧。迺知凡物不能
久。必有神奇相與爭。縱經宿雨上莓苔。豈向斜
暉競榆柳。別有兩株高撼風。蕭疎瘦削羞將同。
天昏合院舞虬浪。夜報大夫叅木公。

秀水仲嘉報國寺松歌○報國寺中之古松。枝葉
非蓋皮非龍根行厚地幾百載誰抑斯結早蒙
茸肩隨有二各奇絕。秋月照我青溶溶。道人坐

踏。僧。窠。口。風。雨。不。整。頭。崩。鬆。臂。肘。四。橫。揮。烟。霧。
 何。物。顛。頂。撥。其。鋒。高。風。過。頭。影。不。覺。如。紙。平。坡。
 萬。山。峯。霜。鱗。雪。脂。帶。青。蘇。針。葉。短。短。無。春。冬。鋪。
 階。過。檻。三。丈。地。上。視。薄。日。陰。一。重。我。謂。面。休。松。
 之。族。譜。以。歲。月。爲。深。濃。驅。使。旁。枝。相。逮。及。數。百。
 年。約。爲。將。逢。松。今。燕。京。大。都。歷。多。劫。帝。城。萬。
 載。今。雍。容。

麻城劉侗報國寺松歌○報國寺松高于人引臂

旁行遠作摩空意，何年識得空理圓。東撐西拄
皆空也無異，時時掣臂却復舒。兩松欲語相領
如將至，日月照影無態麤。風雨不休鼓聲恚，別
立兩松嗟峨十丈高。自恨格卑膽薄未在肆，跟
蹠松邊趨不前。一一詩人絕詩思，仰視周視但
一驚。遲而又久生愛畏，我家楚山達松旨。枝幹
以根爲義類，上窮蒼天下畢黃泉厥初志。或屬
頑石折而橫行地，枝上學之狀其怪。不然空際

何引避。小枝交叉此因耳。因聽梵音結梵字。

宛平于奕正報國寺松歌○帝闢鴻蒙已奏庸。乃
留大力生雙松。一枝各具一國土。豈但屈曲學
山峯。縱之橫之勢屢變。左濤右影遙相戀。不藉
風雨自能立。亦不日月不需電。神物之生豈無
爲。奕奕王氣繚繞之。拜手我松識天意。我松益
茂丕我基。惟茲受命獨也正。不必巖阿遂幽性。
天人肅肅松光中。誰歟守者西方聖。

長洲楊補報國寺松○老巖挺幹鐵作根，往往獨
表千峯尊。此枝故結百仞勢，橫行急走而長吞。
豈以高深失巖谷，放倒高空側坤軸。蒼交巖戟
神與連，百物以之爲所天。一枝一葉新姿別，如
嶽峯、峯、晴、雨、偏。如梵輪、輪、日、月、淨。松兮爾豈無
聽命。

涼州吳惟英報國寺松○生平愛敬松，見松亦無
數。報國寺兩株，不同凡松樹。大谷天台伯仲間，

霜皮剝蝕凝苔斑，歲歲春雲堆不起。夜夜鐘聲
送不還，各橫數丈去。數武枝下到影自摩撫，森
森已覺失朝昏。矍矍猶疑動風雨，雨相泥濯風
相呼。朝昏既久年代無，昔時韋僊豈未見。迺不
繪此雙松圖。

湖州李令曾撰國寺雙松歌。○休，休，休，儒雙松只
橫，開，留，下，失，樹，理，盤，翻，拜，起，左，右，階，六，尺，其，兄
五尺弟，交陰一步院，生涼。天風不來爭吐香，歟。

傲屢舞日月下。性情篤老無低昂。托根仰露如
不勝。慈仁垂接。愁亦騰。松無恒態。信所觸。枝葉
去影能幾層。難松難竹燕之陌。能自樹爾地。何
撰。

德清李夏器報國寺松○始知神物不獨自共趨
鬱葱效特異。兩株顏倚相。闢奇偏袒右。肩膝着
地。落落野心呼不起。天風吹雲作天字。筆畫起
落抱元氣。疎肅嚴毅若凝思。餘株落落亦驚衆。

深恐逢人擬形似、幾陳寒濤天語亂、草木寂侍
孰端視、悄然坐我霜雪中、不曉其意、依晨鐘、

公安袁彭年過報國寺觀二松○巍巍王畿喬木、
惟盟、衆松競秀、二松則名、○鬱曲其氣、磅礴於
枝、如藤斯蔓、如翼斯垂、神則附之、鳥則迷之、彼
喬百尺、今匪松之奇、○二松相謂、生我豐茸、吾
葉臣妾、吾枝孫子、周蔭於外、益固其裏、我遲遲
莫去、今想松之始、○維條如緹、莫趾升之、維枝

可捫、莫手承之、維我列聖、定式憑之、○設設、
聽之、盤桓撫之、我松匪玩、莫敢伍之、凡厥庶民、
尚其俯之、○日將軍號曰大夫封、我松奕奕、不
苟與同、竇視諸侯、嶽視三公、我松奕奕、嶽竇在
中、○匪經霜茂、匪滋露久、我松悠悠、與國偕壽、
漢栢則長、孔檜不朽、我松悠悠、栢檜之後、

江都梁于溪報國寺松○繞殿古松十三株有二、
病、癯、中、人、軀、綠、影、到、地、苔、蘚、及、倩、多、朱、柱、爲、攬、

扶、如、兩、禿、頂、西、來、胡、胡、旋、舞、進、金、鉢、盂、如、兩、毒、
龍、降、伏、久、頭、角、則、俯、揚、其、鬚、摩、掌、摩、掌、不、忍、去、
短、松、短、松、誰、能、圖、

邛州劉道貞觀報國寺松歌○入京先聞報國松、
想、當、高、入、雲、霧、中、欲、圖、欲、贊、自、彷彿、彷彿、不、得、
其、孤、踪、醉、叟、蒼、烟、入、古、寺、聞、泉、瀑、聲、挾、雨、意、幽、
情、古、韻、失、高、深、恰、如、劉、敵、好、兄、弟、又、如、老、僧、相、
對、坐、出、定、入、定、隨、風、作、忽、然、風、冷、月、落、時、說、法、

聲希松子墮，俗人比日雙虬龍。虬龍那得此空
溪，蟠直俯仰各不測。其意不受古人封，何以伴
之宜。老晴欹坐掀髯讀黃老，童子煎茶秋雨宵。
孤鶴啼烟碧空曉，故山亦有松一圍。根據丈石
枝蔽之，其格可以三。雙松臨風我思故所知。

海鹽徐頴夏卧報國寺松下○赤雲卷火照古瓦，
嗑嗑賣冰鑿城下。天風動影落雙松，松下清秋
門外夏。老僧餓掣晨出門，我來飽卧無晨昏。半

空白日結青雨。碧苔着處皆針痕。天台山中黃
海側。古鐵俱開劃空碧。余家西湖九里青。株株
高作巖壑形。此形亦落畫工手。將無骨力先精
神。茫茫天地求不得。耳目往往埋荆棘。

盤龍黃成象巖國寺古松行○看徧黃山松。奇詭
無通之。盤山壑萬樹。樹樹參天枝。天風浩浩大
不可抱。引年則高。小者自老。偃者巖巖端者峯。
日月以之爲盤籠。別松入燕塵。擾擾有雙松。只

黃山同，倒身拜拜，如有觀上，不窺簷下，階舞眠。
枝卧幹，顚不徹，諸盡幽燕古風。雨黃山萬樹何
足論，報國雙松，天地存，松平高巍，非所屑。不知
其歲，知其尊。

蕭山來方煒報國寺松○造化鍾精靈，在物必有
歸。睹茲報國松，想古徂徠非。古松偃若蓋，今見
張如樵。旁側表情性，豈曰高見奇。佛天摩其頂，
上世此留遺。千刹得二松，至理不盡斯。神氣所

生植。聖人能成之。俯仰欣浩蕩。煌煌中興時。

景陵龔夷禮密變觀音○因緣非所作。自在具威儀。烟火觀空幻。琉璃入妙思。不知身異器。但覺性原磁。禮拜密開際。當其晏坐時。

景陵譚元禮密變觀音贊○何以悟世。惟音可觀。滯彼形器。見身無端。陶人爲陶。木火土佐。烟銷。密開。有觀音坐。是觀音來。匪密也。變世化若烟。空借色現。有冠炭如。有衣褶如。有目濕如。受情。

汲如像法住世。世驚以奇。我作平想。香凝風吹。
麻城劉制毒變觀音贊。○人之爲像。無乎造作。人
莫之爲。而巧莫過。觀音大觀現琉璃身。非異非
祥。非他鬼神。觀音觀人。光著觀者。人觀觀音。目
光內寫。晏坐右袒。側右如聽。肘植右膝。意存微
瞋。左手承如。承梵字輪。右手垂如。垂甘露痕。不
瓶不杖。以將嬰兒。亦不念珠。念在茲其。其左膝
偃仰其掌。跌若現立像。跏當蓮華。我締觀已。隨

李陽一
三十一
衆悲何有衆觀音變入衆想

吳縣王整登毘盧閣○俱忙不遂廡閒遊天上回
瞻十二樓百戰昔悲燕趙地萬季今作帝王州
朝烟籠定春明夢曉樹層深水墨稠東指雲間
吳會遠歸心極目有塵浮

慈谿無冰登報國寺毘盧閣○馮虛詭無際浩蕩
空入心宮闕霧疑霧郊原晴有陰遠峯時對立
危堞欲平臨彌望成佳麗三都亦浪吟

信陽何景明同馮光祿登慈仁寺閣○今度慈仁
寺閣遊、翠烟冬日抱重樓、冥冥繡刹盤空界、曩
晨丹梯接帝州、立傍星辰天北極、坐看雲霧海
東流、也知光祿高情興、自合題詩在上頭、

慈仁寺送良伯○入寺松陰散鶴羣、出城冬旭
景烟氛、叢篁解地猶風葉、獨鴈荒臺倍別雲、不
奈旅魂江北斷、更看仙侶日邊分、燕山樓閣晴
無數、朝暮鐘聲送客聞、

成都楊慎夏登昆盧閣○赫曦收東陸，鮮飈轉南
薰。炎歊深城府，清冷憶江濱。隱几倦文竹，綉書
厭香芸。眷言承明侶，福此塵外羣。仙梯駕虹出，
楚閣排雲分。攀檻低白日，對檻俯朱雲。圓方爲
象見，參差鸞歌聞。意爵鳴天籟，禪枝繞烟芬。斜
景歛平露，飛雨濯高雲。金罍引清酌，玉塵生涼
氛。興譔吐雲藻，振筆揮風斤。香留荀令榻，書染
羊欣裙。奇賞眞四美，同詠惠五君。

長安田登報國寺和張子醇同年韻○風滿禪林
坐日長院深市遠似山房草含梅雨傳新綠人
醉松陰話晚涼碧篆古今僧曆杳紅塵迎送宦
途忙客心無數閒能覺不爲驪歌喚斷腸

松溪程文德重至報國寺○報國何年寺入門多
古松兩山丹碧外北闕舊葱中相送無虛日樂
歸知幾公舊遊今下榻卧任月升東

武進唐順之登昆廬閣○高閣迥臨飛鳥上丹梯

千仞愁攀登，窓邀佛日金繩下。地過宸居玉

殿層，一老擊鍾時放梵。幾人面壁坐傳燈，同行

更說前朝事。緇、嶸、銀、魚、有、故、僧、

長洲文彭登報國寺佛閣○送客出都門聞闐車

馬喧，言尋靜者室，因得給孤園。暫與塵囂遠，閑

將貝葉翻。偶從高閣望，寒色滿平原。

莆田鄭善夫上昆虛閣○閣迺臨虛曠，秋高入渺

茫。燕歌動易水，駿骨望昭王。鼓起城喧急，草衰

邊日黃寒深松不覺葉欲盡垂楊

武昌吳國倫登毘盧閣○香臺縹緲可輪囷燕代
山河入倚欄仙苑忽從天上落只疑疑在斗邊
看晴光憑見千巖碧秋氣蕭森萬木丹直北烟
塵殊未息何當高枕淅雲端

吳縣歸有光報國寺贈宇上人○慈宮崇象教講
此絕華炫深巖開香火危峻瞰郊甸鬱鬱虬松
枝低低列廣殿當年帝舅親削髮住茲院說經

老龍驤出手五獅現曾聞長老言天雨曼陀徧
吾識字上人頭陀今突升心知渾緇素警悟在
論讚導我肅廊行指示西方變晨起供我茗鐘
時給我飯我老欲歸去世事當已倦不惜別兩
松山中儻相見

吳縣徐學謨九日昆盧閣眺望○望望平林夕照
斜登秋得閑亦高遐西山青入千峯色朔漠寒
來九塞沙。宦海浮沉孤素影他鄉懷抱把黃花

十年鐘梵經行地、老覺風塵改、鬢華、○凌絕丹
梯尋、仍孤、諸天香界、誰虛無、西陵樹、隱浮圖外
南國臺荒大海隅、漸老風塵隨燕雀、相思兄弟
隔茱萸、禪門鎮日忘喧寂、醉裏婆娑舊酒徒、

祥符高叔副昆盧閣同伍疇中西望○客來閣西
望、閣對西山平、向夕風簷切、馮虛雲物行、楊花
彌野甸、雨色動春城、去住一交手、經年同旅情
寓居慈仁寺游覽○終日闕幽居、青松遶殿遶、

到來長春草，行坐落大花。關上王城盡，門前官路斜。微身隨處是，何敢嘆無家。

同州馬自強報國寺送王子崇之浚川○雙樹參差望，無塵到客襟。微涼生小院，落日下層陰。上什同羈旅，遲留且楚林。向來松閣我，十載未閒心。

鄆縣屠隆與馮開之登毘盧閣言別○開山萬里毘盧閣，坐傍空王覽藥丘。雙樹晴臨千樹出，高

城寒抱大河流。西風浩蕩開秋色。落日蒼茫生暮愁。奈可登高復送遠。令人對酒不能酬。

南海歐大任登毘盧閣。○風鈴霜梵照觚稜。秋曉憑虛眼倍明。四塞河山環殿闕。諸天樓閣俯蒼瀛。摩松似湧雲中出。觀日疑從嶽頂行。高靜下聽生。閑歎如蠅如沸市中聲。

東阿于慎行夏日登毘盧閣。○鈴鐸高鳴松際樓。梯梯難上亦難休。懸平星斗諸天近。壁冷烟雲

五月秋西北羣山橫大漠東南一水繫皇州。憑欄不禁悲歌發半爲離懷半爲遊。

潼州張樊報國寺同孟旋長蘅小酌○並馬渡河
地登臨最後重。法雲柔勁草。慧日短長松。高閣
出邊鳥。之。廊院後鐘。打膠難取醺。促坐轉從容。
對奔馬之駿。報國寺閣秋望○鈴鐸蕭然定午風。
地高漸覺語虛空。青螺畧髻層雲上。并雉平腰
一氣中。寒谷豈真燕地異。甘泉想卽漢郊同。密

飛、踈、綴、千、林、色、歸、路、何、縣、遠、望、通、

麻城陳以聞報國寺松下餞健吾同王左海米友
石劉半舫○共緣折柳出因作看松還京國千
年、色、同、官、半、日、閒、木、猶、存、古、法、盤、不、爲、人、攀、立
久、冰、霜、後、春、來、亦、破、顏、○新、舊、爭、叢、茂、糾、紛、不
可、刪、意、孤、欣、有、偶、客、對、信、誰、閒、問、歲、霜、皮、疊、因
風、濤、韵、潺、徘徊聊共影何似憶深山、

吳江沈孟社集報國寺松下看畫松○西壩有佳

氣不係青芙蓉。修垆開梵林。鬱鬱藏微鐘。木德
一何麗。古質夙所宗。鑒空逸驚絕。思理連遙峯。
車馬日夜急。微吟據雙松。松風若奔峭。五月陰
寒濃。筆墨行過之。作遠山重重。

信陽張如芝報蘭寺松下偶憩○可知盤躡亦崔
嵬。低照遊人歲月催。馬駢車軫忙底事。霜鐘風
鼓。不勝哀。森森夏日深無暑。瑟瑟秋濤上有苔。
相對夢醒陰一枕。松邊僧梵散經臺。○上方寂

歷自無塵、况復松風隔比鄰、體勢四垂、天作幕、
文章班駁、石爲茵、晨鐘報市、茫茫急、午夢乘濤、
栩栩親、此息浮生着何處、片陰雙樹有閒身、

長椿寺

萬曆中歸空和尚自伏牛入京和尚平生苦行爲迷。參。學。爲。悟。調。心。歟。而。人。所。知。者。在。其。能。一。再。七。不。食。日。飲。水。數。升。持。之。至。五。年。遂。衆。號。之。曰。水。齋。也。水。齋。名。明。陽。自。孩。幼。好。搏。鰓。天。地。出。家。慈。氏。寺。後。三。十。年。行。脚。不。襪。不。席。曾。跪。行。至。五。臺。足。膝。血。流。不。知。痛。爲。參。古。松。燃。一。指。以。供。文。殊。再。禮。普。陀。參。大。智。燃。一。指。以。供。觀。音。後。禮。峩。眉。即。通。天。燃。一。

指以供普賢、至北京時、磨者衆、孝定皇太后聞而創寺居焉、神宗賜額曰長椿、并賜紫衣金頂、凡三、吉水鄒都憲南阜問十指今七、那三指何處和尚曰、十指依然、又曰、老宿遍參、所得何事、曰是慈氏寺明陽崇禎甲戌歲九月朔、和尚端坐、宣偈、四句、而寂焉、寺有滲金多寶佛塔、高一丈五尺、妙法蓮華經寶塔品中所說自地湧出者像也、金色光不可視、而梵相畢具、勢態各極、視之、又不可筭、

不可思、寺有僧性柔、能言和尚始末、可竟日聽、
吉水鄒元標長椿寺○實無一事金門客、時過長
椿佛子堂、可爲淵明心不雜、清尊特許對鱸香、
水齋復歸長椿○尚餘七指杖、能拏亂走胡行、
今到家爲問其三、何處在、依然令十更無差、
太原張慎言過長椿寺○直爾風塵地、青山練若
春、比丘非苦行、官長自閒身、彭澤籬迎酒、遠公
鐘送人、相邀過此日、何爲逐蹄輪、

華亭徐本高過長椿寺贈水齋上人○涼秋新月
影生蒼古栢蒼蒼有徑開。清梵數依孤樹起。天
花如共妙香來。三千過界身能定。七十餘年心
未灰。我自朝衣緇欲染。堂前童侍莫相猜。

江夏黃正色題長椿寺壁○非、辛、苦、樂、如、
有、管、指、端、親、見、佛、行、地、偶、知、名、塔、滿、金、千、色、堂、
開、鐘、一、聲、夜、聽、稱、說、切、客、悔、此、中、生、

順天米萬鐘長椿寺禮多寶塔偈○我讀法華經

至現寶塔品。知世尊神力。敢作虛幻觀。長椿水
上座。受蒞。神宗朝。戒珠照苦行。鍊作金剛身。
感召首山銅。勸百千萬億。和合金與火。鑄成率
堵波。級級凡十三。初獲未曾有。更以黃金汁。鑿
率堵波身。多寶佛中央。繞三千諸佛。十八阿羅
漢。及八部天龍。頭手足異形。戈戟鐸異執。纓帶
甲異製。各載以獅象。豹尾交螭頭。鱗次于甕。龍
種種靈花現。優曇鉢曼陀。出入輪相間。一一肖。

初級高乃至丈六。始爲金輪盤、金鐔、將金鈴、燁
煌燭雲際。檐檐鳴懸鐸。聲光相射搖。各具佛因
緣。肩髮毫悉具。惟水能生金。乃有布金者。滿金
半亦金。各極金分量。虛空以爲饌。願力以爲炭。
智慧以爲鏐。鏐無可鏐故。成金宰。若波。鞏固我
皇圖。我來觀塔時。親聞塔說法。

長椿真田多寶金塔。○不知漏地抑飛空。但覺人
間意匠窮。光色各開新滿月。威儀備見古初風。

老歸莫問僧難易。聖代能容教異同。拜塔旋旋
瞻面面。支離五體答 皇功。

江都鄭元勳長椿寺訪水齋僧○門外聞闐門內
禪松垣沙徑肅諸天。聞鐘每報朝開講。下棹深
居日似年。齋以水名俱不滓。月從指見十能圓。
因緣世上黃金重。鑄作浮圖示大千。

憫忠寺

憫忠寺者。憫戰亡將卒。以特封骸骨爲無所知。復
借資冥冥。慰其死忠。竟鬼也。舊史稱貞觀十八年
太宗以張亮。李世勣爲行軍大總管。詔親征高麗。
十九年七月。攻安市城不下。詔班師。十月。帝還至
營州。詔戰亡士卒遺骸。集柳城。帝自爲文祭之。臨
哭盡哀。抵幽州。復作佛寺。以資冥福。賜名憫忠寺。
有高閭著聞。故志稱憫忠閣也。諺云。憫忠寺閣去。

天一握。自貞觀至今九百八十七年。寺非復舊。高
閣者。其趾竟無。止三斷碑。而今殿壁間一碑。上半
斷裂。可讀者。其下段字有薛元寶奉頌。有至德二
載十月十五日建。有參軍張。有撰。參軍蘇靈芝
書。蘇靈芝者。李北海自銘名也。文書石。不書冊。故
從左讀。有御史大夫。史思明名。夫。缺。寺嘗塔矣。一
碑。下牛斷裂。可讀者。其上段字有燕京大憫忠寺
觀音地宮舍利函記。有金大安十年。沙門善製撰。

一碑也。全而剝其字殆盡。不可讀。其年月處又剝。字惟有重蕘舍利函記。采師倫書。則塔且舍利矣。寺經我明正統七年重修。改額崇福。有翰林院待詔陳贊碑。萬曆三十五年又修。有諭德公鼐碑。至萬曆四十六年。鎮江大會和尚開律堂寺中。依式說戒受者數百人。註菩薩懺。未竟而卒。于斯時。寺幾可復興之。而中廢。註未竟者。亦不復傳。其在今無閣。無塔。無舍利。寺直僅存。然而戰亡將卒。其憫。

之。及。其。身。後。且。千。年。無。如。貞。觀。東。征。時。者。

華亭袁凱登慰忠閣○唐家高閣古城隈、遠客登臨宿霧開、諸帝園陵俱寂寞、三韓童叟尚歸來、
西山雲氣空中度、東海潮音地底迴、聞說閭河有戎馬、故園南望思悲哉、

草橋

右安門外南十里草橋方十里皆泉也會橋下伏
流十里道玉河以出四十里達于潞故寺唐萬福
寺寺廢而橋存泉不減而荇荷盛天啓間建碧霞
元君廟其北歲四月游人集醮且博旬日乃罷土
以泉故宜花居人遂花爲業都人賣花簪每辰千
百散入都門入春而梅九英綠萼紅白細
寶珠玉茗而水仙金錢重胎而探春白玉紫香中

春而桃李而海棠 上西府次貼梗次垂絲屬者木

瓜辨之以其葉木瓜花先葉海棠葉先花

而丁香

紫繁于白白香于紫

春老而牡丹

栽之法分之法

接之法澆之法醫之法一如博州靜下近有燕花

而牡丹葉者曰高麗牡丹

而芍藥而學枝北種或

盆而南南人嚼其複味正似杏乃接以杏此種遂

南入夏榴花外皆草花花備五色者蜀葵鸛粟鳳

仙三色者雞冠二色者玉簪一色者十姊妹烏斯

菊望江南秋花耐秋者紅白紫江鄉花也此地高

幾以丈不耐秋者木樨朝鮮夕葵金錢午後僅開

向夕早落耐秋不耐霜日者秋海棠一名斷腸或

日思婦淚所凝也木樨南種也最少菊北種也最

繁種菊之法自春徂夏辛苦過農事菊善病菊虎

類多于螟螣賊蠹瘡頭者菊蟻瘡枝者黑蚰傷根

者蛭蚓賊葉者象幹蟲菊蟻以焦甲置傍引出芽

之黑蚰以麻裹筋頭將出之蛭蚓以石灰水灌河

水府之象。餘縣磨鐵線穴搜之。

閩人廢晨昏者，半

四六

而終歲衣食焉。凡花無根莖花葉俱香者，夏荷
秋菊也。凡花歷三時者，長春也。紫葳也。夾竹桃也。
香無花開謝者，玫瑰也。非花而花之者，無花果也。
草橋惟冬花支盡三季之種。坏土窖藏之，避火坑
距之。十月中旬，牡丹已進。御矣。元旦進椿菜黃
瓜。所費一花幾半萬錢。一菜一瓜幾半千錢。其然
自漢已有之。漢世大官閏冬種蔥韭菜茹，覆以屋

庶晝夜燐燼。萊得溫氣皆生。召信臣爲少府謂物
不時。不宜供奉。秦罷之。蓋水腹堅。生氣蟄蟄者伏
其溝。賈火氣以怒之。木挾翳而生。不受風雨。非膳
食所宜。齊。今紫蛇紅妖。目交鼻取。其中人。精微于
滋味。正等矣。草橋太豐臺十里。中多亭館。亭館多
于水。頻園中。而元濂希憲之。萬柳堂。趙叅謀之。匏
瓜亭。栗院使之。玩芳亭。要在湖望間。無址無基。莫
名其處。

公安袁宏道遊草橋別墅○郊居絕勝午橋莊南
客行來眼亦忙馬上乍逢蒲葦地夢中移入水
烟鄉疎林透戶涼風出翠葉平池急雨香危石
幽篁相對冷一庭清影話瀟湘

新野馬之駿草橋秋集○春期經屢負秋爽得同
尋出郭村非遠穿林逕卽深岸蘆葦水白堤柳
上橋陰豈必藏丘壑溪沆已會心○翳鬱林園
屋紆迴井帶塲四時占雨淡一卷種花方側樹

繁陰合。迎溪殘雨香。一官能困我。耕鑿已山瘠。
武進管紹寧集草橋莊。○官閒更喜調相同。把手
郊園興未窮。一曲水環魚藻綠。幾肩花過石橋
紅。柳陰落日帘斜出。荷氣微風香暗通。池上客
逢葵火夜。霜星應曜尾箕中。

昌平韓四維草橋春渡。○山色晴分柳。春雲馬亦
驕。蝶知尋氣早。鴈引野心迢。踏月清歸寺。携詩
瘦。渡橋。樽空村貰少。坐惜飲虛蕉。

家陰公鼎游草橋○參差三月游難約、纔共班荆、
見落花、黃鳥云云春欲老、青山望望外爲家城、
遇舊寺、生新草、溪上晴雲墮、濕沙勝國館亭何
處問、平林一帶只昏鴉、

嘉興金孺瞻秋日遊草橋○蝶衰蜂少草蟲辰、老
圃如農賽社神、除却菊花俱入窖、人間秋矣地
中春、

胡村

永定門外五里，禾黍巖巖，被野者胡家村，禾黍
中荒寺數出，墳兆萬接，所產促織，吟鳴善鬪，殊勝
他產。秋七八月，游閑人提竹筒過籠，銅絲罩諸叢
草處，缺牆頽屋處，甕甕土百堆磊處，側聽徐行，若
有遺亡，跡聲所縷發而穴斯得，乃捺以尖草，不出
灌以筒水，躍出矣，視其躍狀而佳，逐且捕之，捕得
色辨形辨之，辨審養之，養得其性，若氣試之，試而

才。妖。後。以。闢。促。織。經。曰。蟲。生。于。草。土。者。身。軟。磚。石。者。體。剛。淺。草。瘠。土。者。性。和。磚。石。深。坑。及。地。陽。向。者。皆。劣。若。是。者。穴。辨。凡。促。織。青。爲。上。黃。次。之。赤。次。之。黑。又。次。之。白。爲。下。

號。紅。麻。頭。白。麻。頭。青。項。金。鈕。金。絲。額。上。也。黃。麻。頭。次。也。紫。金。黑。色。次。也。若

是。者。色。辨。首。項。肥。腿。脰。長。背。身。潤。上。也。不。及。斯。次。反。斯。下。也。其。號。之。油。利。捷。辨。設。青。棗。核。形。土。蜂。形。

金。昆。琶。紅。沙。青。沙。紺。色。爲。一。等。長。翼。梅。花。翅。土。狗。

形如蜂形飛鈴爲一等皂鷄蝴蝶形香獐子爲一

等

若此老形辨養有飼焉有浴焉有病用醫焉

護

魚形撮蟲水如蛛脂指蟲溝紅蟲蟬白栗黃米飯

食養也榨小青蟲汁而糖調之以浴隨淨甜水以

絲水養也蟲病而治之水畔紅蟲主積食蚊帶血

者主冷蛆蛻則上日棒槌蟲主熱粉青小青蝦主

齒後自然銅浸水點者主關損茶黃點者主牙損

重便調蚯蚓糞點者主咬傷竹蝶主氣弱蜂主身

服醫養也

如是促織性良氣全矣。中則有材焉者。

問試而亟審其鏡以待。初。屬蟲主者。各內蟲乎。比籠身等色等。合而內乎。屬盆蟲勝主勝。蟲負主。負勝者。翅然。長鳴以報其主。然必無負而偽鳴。與未屬而已。負走者。其收辦其養素。其誌審也。蟲屬口者。勇也。屬問者。智也。屬問者。俄而屬口。故蟲弱也。屬口者。俄而屬問。敵蟲強也。考促織。爾雅曰。蝗。天鵝。奎。巡。曰。酸雞。郭璞曰。莎雞。一曰。檮雞。方言曰。

蚯蚓一曰蜻蛚。爾雅翼曰：蟋蟀生堊中，好吟于土。石罅隙下，闢則矜鳴，其聲如織。故幽州謂之促織也。促織感秋而生，其音商。其性勝。秋盡則盡。今都人能種之，留其鳴深冬。其法：土于盆，養之，蟲生子土中，入冬以其土置煖炕，日水灑綿覆之。伏五六日，上蟻蠕動，又伏七八日，子出白如蛆然，置于蔬葉，仍灑覆之。足翅成，漸以黑。匝月則鳴，鳴細于秋人。春反僵也。凡都人關促織之俗，不直閭巷小兒。

也。貴游至曠厥事。豪右以銷其貨。士荒其業。今亦
 漸衰止。惟嬌姘兒女。鬪嬉未休。灰簪之蟲。又不並
 促織。有蟲。黑色。鏡前而豐後。鬚尾皆岐。以躍飛。以
 翼鳴。其聲鈴。發。枝。秋蟲也。晴即鳴。鳴竟刻。明即止。
 註以琉璃。餌以青蒿。狀其聲名之。曰金鐘兒。有蟲。
 逆腹青色。以股躍。以短翼鳴。其聲聒聒。夏蟲也。絡
 緯是也。晝而噪。斯鳴矣。夕而熱。斯鳴矣。稽籠懸之。
 餌以瓜之饑。以其聲名之。曰聒聒兒。其先聒聒生

者曰叫螞蚱。以比于聒聒。腹太似恨。齋翅太似恨。
長鳴太似恨。細有唧唧者。蚱也。馬唧唧者。蟬也。名。
以聽者之所爲情。寂寥然也。鳴蓋呼其候焉。三伏。
鳴者。聲躁以急。如曰。伏。天。伏。天。入秋而涼。鳴則爽。
短。如曰。秋。涼。秋。涼。取者。以膠首竿承焉。驚而飛也。
鳴則攸然。其粘也。鳴切切。如曰。吱。吱。入乎手而握。
之。鳴悲有求。如曰。施。施。促織之別種三。肥大倍焉。
者。色澤如油。其聲唧唧。唧唧。曰。油。胡。盧。其首大者。聲。

柳、柳曰柳子頭銳喙者聲篤篤曰老米嘴二者不
 能闕而能擊損于養者童或收之食促織之餘草
 其螞蚱之種三俱不為青翼而黃身躍近而飛遠
 飛則見其翼羽或紅焉或黃焉曰螞蚱其青而長
 身者曰區區螞蚱者股繁而提之使飛不止以觀其
 翼羽其扁身長股昂首出目者刀郎螳螂也性怒
 無所畏讓螞蚱者亦股繁而觸之以觀其怒也螞蚱
 之類二大而青者曰老青紅而黃者曰黃兒赤者

日紅兒好擊水而飛飛。童圍竹結絲線網。日談。循
水次。羣逐而撲之。名呼以祝。曰栖栖。撲着曰殺着。
得一曰一菜。以色玩如花也。別有鰲身象鼻而貝
色大如朱櫻。曰椿象。生椿其臭椿也。不可觸。有若
半赤豆而草麻點者。曰瓢兒。生蔬畦。捉之。則溺腥
黃汚不可脫。而童手之不已也。有金光而綠色。甲
堅而鬚勁以動。曰金牛兒。黑色白點。曰春牛兒。無
所可娛也。繫而籠之。則已。有玄身而兩截。形剛而

生媚。招其後。首則前頓。聲噪噪然。仰置之。彈而上。
 還復其故處。不能逆覆而走也。曰叩頭蟲。一日鵲
 確靈焉。

莆田黃帝英。鬪蟋蟀。促織聲切切。荒帶草。則稠
 穴。居牆有塵。仰食露。先秋。苦園。將誰爲。後。罪不
 自謀。殘燈孤。行夜。爲爾憶。開樓。

歙縣閔景賢。觀鬪蟋蟀歌。○蕪市鬪場。挨戶。正
 酒。色。天。好。夾。賭。○蒸俗謂陰雨爲酒色天。
 各提圖

盆繡花縷、摩挲入手、澄泥古、高下參差、列兩、無
似爲秋蟲判、疆土、昨夜尋聲向秋圃、金翅、麻頭、
合蟲、諸蹲踞、盆中勢、虓虎、未許他蟲、跳梁、儼作
勢、登場、勢逾怒、雙鬚立、似旌旗、豎、積怒、不動目、
相拒、一陣、一陣、驟風雨、戰勝、長鳴、鳴以服、主人、
奪、采盆、安堵、保抱、小蟲、歌大武、指盆笑、謂將軍、
府、要、要、趯、趯、何比、數、飲之、食之、氣、則、鼓、有雄傑、
疾起、行伍、心有、主人、日無虞、關塲、四塞、主、安寧、

馬平泰聘璵闢蟋蟀歌○使氣及蟲羽燕趙少年
 場兩雄而一器臂怒首低昂其勇各已養作勢
 分列行殺機益盎中策力羣相當上下屢禁制
 東西紛跳梁勝負鳴者分主人色含皇蟲生死
 聞耳主何爲短長○

韋公寺

京師七奇樹。韋公寺三焉。天壇初榆錢也。榆春錢。天壇榆之錢以秋顯靈宮折枝栢也。雷拔一枝屏於雷中折而不殊。二百年蔥蔥。報國寺梵松也。幹數尺。枝橫數丈。如淺水荇。如蛙架藤。卧佛寺古娑羅也。下根盡出。累瘦露筋。上葉砌之。兩日不下。與韋公寺內之海棠也。蘋婆也。寺後五里之柰子。而七也。寺在左安門外二里。武宗朝常侍韋霽建。

貨竭不能竟。詔水衡佐焉。賜額弘善寺。寺東行一折有堂。堂三折。有亭。亭後假山。亭前深溪。溪里許。蘆荻滿中。可舟。爾而無舟。寺無香火田地。以果實歲。樹周而層列。可千萬數。寺南觀音閣。頻婆一株。高五六丈。花時鮮紅。新綠五六丈。皆花葉光實。時早秋。果着日色。潏潏于春花時。實成而葉凋矣。但見垂果紫白。九九五六丈也。寺內二西府海棠。樹二尋左右列。遊者左右目其盛。年年次第之花。

不敢懈。寺後五里柰子樹。歲柰花開。柰旁人家擔
負几案酒榼具。以待游者。賃賣旬日。率歲爲業。樹
旁枝低亞。入樹中。曠然容十數席。花陰暗日。花光
明之。看花日暮。多就宿。韋公寺者。海棠。蘋婆。柰子。
色二紅白。花淡。蕊濃。跗長多態。海棠紅于蘋婆。蘋
婆紅于柰子也。崇禎己巳冬之警。我師駐寺。海棠
類。婆以有。柰子樹。薪之。

應天陳鳳夏。日雨霽。遊韋氏莊。○結軫出郊。垆官

曹幸休假探奇歷修坂選勝得華榭埃氛淨初
雨清和遣長夏尊峰層雲上幽居茂林下廻塘
長菰蒲列果間桑柘花塢草蔥蒨蘿薜石嵒岬
簷際鳥鳴呼澗道水奔瀉主人金貂貴意匠殫
營架未窮賞心趣忽已隨物化挹景興昔感良
游樂今暇淹留日將夕更返塵中駕

濟南李攀龍韋氏池亭同元美子與子相賦○貫
酒新豐解佩刀相逢意氣爲君豪孤亭畫敞杉

松色亂石青含薜荔高自向風塵偏勝跡豈令
湖海傲吾曹從他桂樹山中發招隱何勞更反
騷

春日韋氏閨亭同元美賦二首○香塢花冥冥
斜陽倒玉餅風塵猶傲吏天地並空亭共辭薊
雲白相看燕草青我來吟澤畔不是獨爲醒○
藉草到流水看花延落暝客中過寒食馬上改
春衣移席青山出開樽白鳥飛天涯有朋好能

使宦情微

太倉王世貞春日同于鱗茂秦集韋氏水亭分韻
得重字○偶成春服始挾侶問幽蹊芳草近寒
食空林聞午鐘驚波雙鳥出迷路一僧逢欲竟
名園賞停杯感壯重

韋園同于鱗子與子相各賦三首○于別飛花
覆客杯百年晴日此池臺釣簾映蝶携香去落
渚鳬驚散錦來酣後看人成偃蹇歸時促騎故

徘徊長安北望黃塵裏，擊劍高歌未乏才。○歷
歷垂楊青幾圍，娟娟宿鷺白雙飛。坐驚遠岫停
杯出，行惜殘花插帽歸。四海未妨吾輩在，孤亭
僅與世人違。誰爲忽唱江南樂，回首烟霞未拂
衣。○薊苑春歸處處幽，陸沉吾黨任遨遊。長秋
碧帶千峰雨，密荇青藏百道流。西望風雲雙鳳
闕，北來天地一漁舟。科頭箕踞尋常事，細酌高
吟且未休。

暮春同茂秦子與順甫正叔游韋園分韻得村
字二首○習習東風幽鳥翻偶成春服試春原
高低綠槿斜分戶遠近清流細遶村地入漁樵
身暫許客逢湖海道偏真誰爲一叩荆卿筑醉
裏悲歌動薊門○韋園三月綠陰繁席帽胡床
山寺門蟠首雲扶雙蒲首龍鱗日綉孤松根蒼
翠烟破白鷗掠魚春水渾建章傳鑼聽
猶指梨花尋別村。

麻城劉天和游韋公寺○高柳拂依依，龍陰過夕
暉。游魚牽絮去，木鳥帶萍飛。山遠青分綠，荷生
密半稀。年年休果熟，不問麥秋饑。

臨清謝榛春日同李于鱗王元美集韋氏水亭○
都門聯轡出，此地訪烟蘿。共酌清尊酒，還成白
苧歌。春雲花外度，幽鳥水邊多。更擬池亭上，田
田採芰荷。○我來憑水檻，坐久夕陽斜。聊復祛
塵事，相將覩物華。河山百戰地，桑柘幾人家。總

有明春約，還看何處花。

銅梁張佐胤春游韋園○客計只塵薄，幽懷水檻
偏。停杯聽鳥村，驚天向魚淵。閣啟山全入，花高
塔接懸。悠然意甚廣，人五欲瞻天。

長洲文彭韋園秋集○帝京塵土上，是頭遠向城。
南水次遊靜，夜微霜初墜。葉芳原爽氣清，秋
輕風吹酒開涼。宇落葉催寒出，御溝直擬韋園
作。韋曲風城亦自有滄洲。

應天廟宣化夏日集韋公寺○長日韋公寺千章
夏木垂、勝陰、魚沫聚、荷、韻、酒、香、宜、偶、命、郊、坳、駕
因、酬、夙、昔、期、高、天、來、暮、色、騎、馬、別、蓮、池、○落、日
荷、亭、上、移、尊、亭、影、斜、徵、歌、風、度、曲、催、酒、醉、拋、花、
石、繡、青、蒼、合、池、紋、紅、紫、遮、留、連、渾、未、極、蘿、月、滿、
歸、車、○暝、色、紛、林、樾、殘、尊、喧、未、休、婆、娑、筵、錯、落、
沈、濯、意、淹、留、魚、鑰、層、城、待、螢、燈、隔、草、浮、暑、期、尋
醉、殺、莫、便、入、清、秋、

臨武曾朝節遊韋莊○村寺連林圖古文一徑斑
照花溪宛轉啄果鳥間開饌鯉尊前網歸鴉日
傍山。醉閒如昨日。客迂市僧還。

柰子樹○看柰中荒野樛枝面四垂。綠陰全覆
日。白朶正開時。促坐身相肘。清歌外不知。幽芳
尊玩賞。不爲土人姿。

臨胸馮琦飲韋公寺○細草雙堤路。孤亭一水前。
林深朝宿鳥。波淺陸生蓮。苦紫雨晴色。樹紅花

采蘋酒醒無所事，折折步溪邊。

再遊韋莊○鐘磬水邊寺，春春花事繁。風紋搖
荇帶，雨色上苔痕。無隙綠成幄，難窮溪遶門。去
年此院靜，今見竹將孫。○獨往宜茲地，況偕心
所歡。秋歸山徑易，塵到水亭難。細草不忍展，低
枝頻著冠。野雲生坐側，衣袂自知寒。

盱眙李言恭春日集韋園○韋寺招尋春酒餘太
行，雲氣滿郊墟。流花上有秦人宅，醉竹中停長

者車自取青山當几席。喜從畿甸得樵漁。風塵
明日長安陌。相對青尊可暫虛。○路轉長溪十
里斜。滿村春水浸蒹葭。池邊曲檻圍芳草。樹底
輕舟載落花。樓閣畫涵滄海氣。衣冠晴帶紫宸
霞。閒尊況有高陽輩。何必風流說習家。○蒹葭
堤畔好停車。坐石投竿豈爲魚。山影半藏垂柳
外。鳥聲偏在落花初。傍人飛鷺自來去。隔水浮
烟任卷舒。不道天涯歸薄宦。還能與客混樵漁。

○幽徑藤蘿晝亦寒，黃塵不上竹皮冠。數家楊柳陰低戶，到處桃花護曲欄。白日忙隨芳草暮，青山偶共故人看。淹留自笑于時幾，嘆息閒人坐釣竿。

公安袁宏道暮春同王以明丘長孺蘇潛夫遊韋氏莊得寬字○幾、葉、菱、蒲、水、微、風、亦、起、瀾、如、何、尋、丈、地、綽、有、江、湖、寬、種、果、栽、花、易、招、鷗、引、鷺、難、朝、川、如、具、體、畫、裏、試、思、看、○樹、歷、高、雲、老、門、臨

細水寒、亂中時有整、陶處偶然寬、蘆筍芽將茁、
橫樹蕊漸殘、遊鱗真可喜、夢不到漁竿、○徑路
微微折、亭軒倍倍寬、經營百事善、物力燭朝看、
果稅分時斂、茶坊湊水安、袈裟幸自樂、何苦戀
紳冠、

會稽陶望齡夏日過韋園○赤日來郊坰、每與勞
人期、清風避城市、當爲靜者私、瘦馬出郭門、草
香旋生蹄、幽尋無廣途、焉此田間蹊、團團十里

陰中藏古招提。前林在何許。已覺林蟬嘶。顧影
私自言。息爾良在茲。禪居亦已雄。修青吐木犀。
深柯藏靜風。露葉留晚滋。芳條欣可攀。豈必來
花時。○中林衆鳥國。啁嘶靡不開。亦如適都市。
頗盡殊方云。交鳴復交翔。意已無人羣。客來鳥
何知。去亦匪所欣。孤遊時見欺。故復相置紛。平
生寂默意。欲與禽鳥分。人生各棲宿。此業卿可
殷。○清池不濡軌。千里在一曲。蒲葦散輕颺。時

見幽鷺浴。垂楊髮如葆。遶寺分可束。數樹影交綺。欣然若新沐。伊予江海客。偶化鷗鳥族。臨流無盥漱。端坐意已足。

夷陵雷思霈飲柰子樹下○一林柰樹相傳古。不記何年植此土。交枝拂地仍拂雲。細葉淒風復淒雨。花開花落如紅雪。城中看花人不絕。夜來猶宿韋公祠。晨朝復過花言別。

太倉王衡韋公寺○一路碧萋萋。遊人宛轉迷城

雷片野直，風定梵音齊。紅藥春分圓，青蔬雨到畦。江南真在眼，枝上子規啼。○分得公餘半，並
觴各有隨。夕陽穿樹下，蹊路遶泉遲。吏散信
處，馬嘶花落時。城陰棉幕柳，心感隔年期。

江夏郭正域韋公寺郊行○匹馬入林垌，雉飛麥
隴青。槐陰濃似蓋，蘿帶結爲屏。愁泉三春盡，尊
前雙眼醒。更憐幽石砌，絮汰出雲汀。

江寧顧起元韋園○路轉城闌接，溪沿野所長。樹

陰園寺古池，氣抱亭蒼生。水魚頻躍，宿雲鳥正
藏。三春看又盡，步步惜芬芳。○新霽朝看定，山
僧蚤啓扉。松針刺霧上，柳絮撲天飛。綠盡爭紅
色，亭全借水暉。坐觀雲物變，倏忽似還非。○花
醉日冥冥，春風吹未醒。細沙蒸水白，高柳動天
青。曲沼起魚泡，虛廊隨鳥翎。偶然無客至，正晝

登門扇

漳州張燮偕聞子將方孟旋鍾伯敬游韋園○春

却訝繞衆芳繁。花信風。送。芳。香。溪。影。休。休。杯。
影片。草。增。寸。寸。薜。增。痕。網。羅。禁。處。魚。浮。泳。歌。管。
喧。時。鳥。靜。跡。莫。謂。水。邊。人。共。遠。同。遊。各。起。不。堪。
論。

景陵鍾惺春日集韋氏郊園○城中諸所見到此
已皆非時至花難後。烟深柳肯稀。禽魚太無事。
水石自爲機。遊興今方起。殘春未可歸。○閑時
誠不易。抑亦在其人。地有何常主。花非無故春。

琴尊皆勝友。山水況佳辰。物候參差好。重來想更新。

亳州朱宗吉韋園○池上蒹葭春雨餘。東風吹葉未全舒。因遊過寺歸無謂。餐果栽花圖不如。對服自應裁薜荔。清時聊得混樵漁。會心何必江湖遠。秋水悠然稱隱居。○花開十里錦爲村。主客樊然辨一樽。紅白漸飛僧不問。雨晴無節鳥能言。若能擊筑歌燕市。我正移家向鶴門。恐裏

看春春又暮。可堪苦。遲落英繁。

新野馬之駿。九片八日集韋公寺。○籬落荒能北。
庭除爽自閒。碧疎辭葉樹。青削映波山。砌冷蟲
多口。天空鶯獨還。黃花虛採擷。猶未破秋顏。○
步登身相倚。憑高眼倍清。寒蕪傳雨貌。折荻戰
秋聲。檻外非鄉國。杯前此弟兄。鹿門思昨歲。遷
代若爲情。

公安袁中道韋公寺。○城南韋寺曲。喬木宛山莊。

密水生多影。松花時一香。附蘿如繪壁。卧石自成床。獵獵風初至。紛紛下海棠。

馬程潘曾絃韋公寺。春去左安門外得龍天。過春七千刻。一坪草色浮卿心。低低切切答卿音。蹄音撒地塵不起。新綠香嬌奪紅紫。香來細陣林無風。林稍頭綠下頭紅。老僧數聲禪。禪話石衣苔。深古寒暑東南民。力三百年。年年鑿此春山烟。

遂安方逢年遊韋公寺○烟鎖荒祠繞曲溝。離
寂歷儼深山。墮紅千片鳥驚別。淨綠一庭僧掩
關。雲以倦遊時入定。石從悟法久辭頑。東風漸
軟。榮詩思。祇任柔條舞翠鬟。

嘉魚熊開元宿韋公寺○日長移近久。北地易秋
天。鐘磬聲塵遠。粗梨氣候先。入烟隨岸步。聽水
就廳眠。夜起觀僧定。庭空月到全。

景陵王鵬玉韋公寺○左安門外澹如汀。畏客頻

邀過水亭一片塵羞溪面照。十分酒入客脾醒。
荷含秋意多相向。蟬作鄉音乍可聽。花含露分
鐘定夕。今宵旅夢冬星星。

國陵余廷吉遊韋公寺○雲氣出郊村。花梢隔雨
痕。竹深庭戶暗。溪曲往來繁。客已欣林寂。僧猶
厭鳥喧。燕城歌吹海。消得此黃昏。

武進陳組綬城南韋寺海棠○沙風別是養花天。
雲、翠、星、紅、十、丈、圓。清、伴、月、魂、香、綬、細、豔、傾、春、老、

午歇新、耳瑄步、悼知藏鳥、瓊玲衫、欲贈仙、飛
夢若逢伊解語、護寒索賦滿吳箋、

弘仁橋

地氣萃止。神人以靈。西北地無少隆下。而氣堅瑕。斥水避起。其水環者。避堅也。乘其輪。句于矩。鬱乎冲冲已。出左安門。東行四十里。石橋五丈。曰弘仁橋。橋下水。從琉璃河。一支西來。餘百里。過橋。水東北。去不足百里。入于運河。爲一支。橋東頭元君廟。西向臨橋。若梯階之。橋左右水。若特意環之。避其害中。按釋史。元君者。漢時仁聖帝前。有石琢金童。

玉女至五代殿圯石像仆至唐童溺盡女淪于池
至宋真宗封泰山還次御帳滌手池內一石人浮
出水面出而滌之玉女思帝有司建小祠安奉號
爲聖帝之女封天仙玉女碧霞元君後祠日加廣
香火自鄒魯齊秦以至晉冀而祠在北京者稱秦
山頂上天仙聖母麥莊橋北曰西頂草橋曰中頂
東直門外曰東頂安定門外曰北頂盛則莫弘仁
橋若豈其地氣耶夫億萬姓所皈依以俗教神道

焉。君相有司不禁也。歲四月十八日，元君誕辰，都
士女進香，先期香首鳴金號衆，衆率之如師，如長
令，如諸父兄。月一日至十八日，盛氣于氣四十里，
一道相屬也。與者，騎者，步者，步以拜者，張旗幟，鳴
鼓金者，與者，貴家，豪右家，騎者，游俠兒，小家婦女，
步者，宴人于酬願祈願也。拜者，預元君像，負指筭
步一拜，三日至，其衣短後，絲視，光乍襪履，五步十
步至二十步拜者，一日至，羣從游閑，數唱吹彈，以

樂之。旗幢鼓金者，綉旗丹旄，各百十。青黃皂綉蓋各百十。騎鼓吹，步伐鼓鳴金者，稱是。人首金字小牌，肩令字小旗，昇木製小宮殿，曰元君駕，他金銀色服用具，稱是。後建二丈皂旗，點七星，前建三丈繡幢，繡元君號。又夸儀者，爲臺閣，銀杆數丈，前新成，葺飾樓閣崖木雲烟形，層置四五兒，嬰扮如劇演。其法，環鐵約兒腰，平承兒尻，衣緣掩其外杆臂，從衣物錯亂中傳下，所見雲栢烟縷處，空坐一兒。

或兒跨像馬。蹬空飄飄。道傍動色危嘆。而兒坐實。無少苦。人復長竿。投餅餌。頻頻啖之。路遠。日風。暄。拂兒則熟眠。別有面粉。墨。僧尼。乞丐。相。是。彼。慈。慈。無。賴。狀。閭。少。年。所。爲。喧。闐。嬉。游。也。綸。傍。列。肆。搏。麤。角。之。曰。麻。胡。餉。和。炒。米。圓。之。曰。歡。喜。團。稽。編。盃。冠。幘。額。曰。草。帽。紙。泥。面。具。曰。鬼。臉。鬼。鼻。串。漆。紫。釵。曰。鬼。鬚。香。客。歸。途。衣。有。一。寸。塵。頭。有。草。帽。面。有。鬼。臉。有。鼻。有。鬚。袖。有。麻。胡。有。歡。喜。團。入。郭。門。軒。軒。自。

喜道擁觀者。嘖嘖喜入門。翁嫗妻子女。旋旋喜。之。然或醉則喧。乎道則隄。迷則失男女。翌日。須有司審聽焉。

郵縣屠隆泰山夫人○元君宮接馬駒橋香火遙分岱嶽高。龍鳳旗翻翠羽蓋。山河影動赤鸞袍。何人得見三花樹。此地曾無千歲桃。金鼓聲微。幡蓋遠。月明應自度雲。

同安蔡復一進香曲○

弓雨舞鞋約伴同參玉女衣。發心自願捨金銀。
麻城李中孚進香曲。○空行閃閃立樓臺。前隊朱
旗後隊催湧出一枝華藏界。化人如自日邊來。

南海子

城南二十里，有園曰南海子，方一百六十里，海中
殿瓦爲之，曰幄殿者，獵而幄焉，爾不可以數至而
宿處也。殿傍晾鷹臺，鷹撲逐以汗而勞之，犯霜雨
露以濡而煦之也。臺臨三海子，水泱泱，雨而潦，則
旁四淫，築七十二橋以渡，元舊也。我朝垣焉，四
達爲門，庶類蕃殖，鹿獐雉兔，禁民無取，設海戶千
人守視，永樂中，歲獵以時，講武也。天順二年，上

出獵。親御弓矢。勳臣、戚臣、武臣、應詔馳射。獻食。賜酒饌。頒禽從官。罷還。正德十二年。上出獵。隆慶二年三月。上幸南海子。先是。左右盛譚海子。大學士徐階等奏止。不聽。駕至。榛莽沮洳。宮雉不治。上悔之。遽命還蹕矣。海子西北隅。歲清明。蟻億萬集。疊而成丘。中一丘。高丈。旁三四丘。高各數尺。竟日而散去。今土人每清明節。往羣觀之。曰。螞蟻墳。傳是遠將伐金。全軍沒此。骨不歸矣。

魂無主者，故化為靈沙。感千節寺，其有焉。歲五日，中侍仍同太醫院官來撈，衆莫識，皆中衛州監生。御來定，五日方撈，至羊房南大柳下，坐柳根午食。顧旁一觸骸，來濡肉蒜盤，內觸骸，只數間，殊不惡。骸曰：「辣來驚，去肉辣音不已，驟馳而歸，辣音追之。」數日來卒，海子西牆有沙崗，委然如蔗，增長，今高三四丈，長十數里矣。遠色如銀，近如若，廣三人日沙龍。

信陽何景明駕幸南海子○鏡音發柱時時將
蘭風水盡縱我今山迴帳殿孤公卿隨入駟虎
旅備三駟如開後河事能遇渭川夫

金陵陳沂幸南海子○春旂出玄液夜騎入長楊
赤羽驚風落紫弓拖月張橫驅視少塞縱繫
河漣未寢征胡議誰爲諫獵章

亳州薛蕙駕幸南海子○詔幸芙蓉池
行三駟備上道馬護出神兵列營開照飲
必三

射虎城風雲日暮起，偏遶漢家營。

黃岡王延陳駕幸南海子○南郊初禮帝上苑復
誇胡虎兇先聲伏車徒翼輦趨綢羅張一面部
曲用三驅侍從羣臣在應知諫獵無

江陵張居正遊南海子○芳郊秘苑五雲中猶識
先皇御宿宮碧樹依微含雨露朱堯時際縹緲烟
虹空山想見朱旂繞闕道虛疑玉輦通此日從
臣俱寂寞上林誰復數才雄

新昌戴九玄南海子○城南海子四十里大野禽
 物此中是樹木環植周以垣日獲雉兔奉至尊
 內官監守但坐看四垣崩圯禽物散樹木斫賣
 雉兔空日日劫盜藏其中

嘉定李元弘南海子沙龍○日肥月長沙龍山鱗
 風連雨形其間鱗揚間爲出脊肋脊掉無所施
 人力遙遙委委數百時日光閃閃星黃金馬前
 拔蹄人沒渠一步一步聲琤琤頭尾北向帝京

聚。聚。非。因。風。泐。非。雨。地。氣。凝。結。龍。畢。領。嶽。不。在。
高。在。所。主。

聚燕臺

采育東南二十里，有埤，高丈，廣三四十尺，日聚燕，臺歲秋社，燕辭巢，日京畿城村燕，必各將其成雛，數千百，聚此臺，呢喃竟二日，然後乃能去之，爲話將別，爲語約，所羣歸也，聞燕歸有國矣，又曰歲焉，伏氣穴土，及樹中空，然明中春，來復葺乳其舊巢者，定故燕爾，蓋主人曾以絲線約足而識之，嘉定李元弘聚燕臺○燕來各有巢，燕歸云有國。

秋風吹荒臺，社散燕來卽。嘈雜萬聲中，去住兩
 心逼。日余巢此都，歲見雛蕃息。巢也無盛衰，若
 者易興業。蒿蕪去年如，故人覓不得。昨過鍊離
 邊，故人弄顏色。舊德勝新巢，移其汝獨側。豈無
 新鮮泥，愛惜舊心力。

白雲觀

白雲觀元太極宮故墟所西便門下上古陸闕一
里、麥青青及門楹者觀也、中塑白首皤發無鬚眉
者、長春丘真人像也、觀右有阜、歲真人蛻像假也。
蛻者亦假也。真人其存歟、真人名處機、字通密、金
皇統戊辰正月十九日生、有日者扣之、曰神仙宗
伯、年十九、辭親居崑崙、二十謁重陽王真人、請爲
弟子、道成而戒吉思皇帝、自乃蠻國、手詔致聘、詔

文云、朕居北野、嗜慾莫生、每衣一食、與牛豎馬
同、共勞同享、謀素和、恩素富、是以南連趙宋、北接
回紇、東夏西夷、悉歸臣貨、念我單于國、千載百世
未之有也、訪聞丘師先生、體真履規、懷古君子之
嘯風、抱真上人之雅操、朕仰懷無已、避位側身、選
幸近侍官劉仲祥、備輕騎素車、謹邀先生、不以沙
塵悠遠爲念、真人庚辰正月、乃北至燕、今從官苟
判馳奏、登州棲霞縣志道丘處機、近奉宣旨、遠召

南上居民心皆恍惚處機自念同時四人出家三人得道惟處機虛名焦額枯槁比到燕京聽得車駕遙遠風塵煩洞天氣蒼黃老弱不堪伏望聖裁龍兒年三月日奏十月曷刺回復勅歸前壬午四月達行在所雪山之陽設座黃幄東與講約禮而不名延問至道真人大畧答以節慾保躬天道惡殺治尚無爲之理命史書策賜號神仙爵大宗師賜金印章曰神仙符命掌管天下道教夜醮焚簡

五鶴翔焉。尋乞還。詔居大都太極宮。改從真人號。
 曰長春真人。每晨起。呼果下驢。其徒數十。徜徉山
 水間。日暮返。年八十時。北山口崩。太液池竭。真人
 曰。其在我乎。七月九日。留誦而逝。逝之明年。其徒
 尹清和。始以師入金龍。葬于處廟堂之次。今都人正
 月十九。致漿祠下。游冶紛沓。走馬蒲萄園之燕。九
 節。又曰。姜丘相傳是日。真人必來。或化冠紳。或化
 游士。冶女。或化乞丐。故羽士十百。結岡松下。與幸

一遇之、四十餘里、爲唐太宗哀忠墓、西南五六里、
爲蕭太后運糧河、泯然泯滅無聞者、

莆田陳音重九白雲觀○長春宮殿鎖寒烟、駐馬
斜陽、古樹、邊、白、鶴、不、歸、人、影、外、黃、花、仍、發、酒、杯
前、龍、山、峴、石、參、軍、帽、藍、水、寒、山、子、美、篇、聚、散、幾
回、時、序、別、令、人、對、此、一、茫、然、

太倉王世貞遊白雲觀遇鍾子警○行散到古院
脩然遇真師、落日澹眉宇、清霜疎鬢絲、飯溫初

煮石、丹、冷、舊、封、泥、塔、坐、潭、無、語、蟬、聲、秋、樹、枝、

內江趙貞吉白雲觀○一丘長枕白雲邊、孤塔高

懸紫陌前、到此心澄思出世、當年丹熟可曾仙、

花泥幾變供鋪席、榆影更番佐數錢、誰道燈殘

燕九節、不教游罷早春天、

肥鄉張懋思白雲觀○沿堤細路接西清、河北仙

凡此會盟、塢月幽人寒抱膝、嶺雲仙史夜吹笙、

天連帝座蟬應蛭、火合羲爻藥待成、誤我黃梁

初入夢侍臣方奏泰階平

周如余延吉游白雲觀○金臺空往蹟玉律谷寒
閒蕙帳白雲動芝房紫氣回年年仙化現處處
道流來走馬兒方健花茵坐舉杯

黃陂蔡士吉游白雲觀○春澄市罷散千紅馳射
當年太極宮蛛帶日光飛野馬兔絲古木蔓游
龍運餘故役隍爲陸戰罷哀忠隴有封其道真
人來隱跡茫茫海嶠想高蹤

觀音寺

杭州上天竺觀音大士古像。晉天福年。僧道川見
瑞光發潤。得奇木以刻也。後漢乾佑年。僧從勲自
絳陽奉佛舍利。安大士頂。妙相既備。畫而白光。宋
建炎四年。兀术入臨安。高宗遜于海。兀术問知像
緣。遂與玉帛圖籍盡航而北。僧智完率徒以從。至
燕。舍都城西南五里之玉河鄉。建寺奉之。此觀音
寺也。我天順壬午。土人權五修之。成化丁酉。僧德

顯又修之。因得石土中。金大定十七年刻。載天會
七年。梁王徙像甚悉。今寺所奉。乃又非晉像。豈天
興初。曾顛沛于兵。抑至正末。復崎嶇而北也。寺有
成化二十三年。學士程敏政碑。至今遊杭天竺者。
當指大士曰晉像。不知徙此。已四百八十二年
矣。

天寧寺

釋迦舍利珠、八斛四斗、其三之一在人間也。阿育王置塔八萬四千、東震旦得塔十九、其粒不可得計也。康僧會懇佛七日得七、曇瑱懇之、自三粒至三百粒。隋文帝遇阿羅漢、授舍利一畚、與法師曇遷數之、數多、數少、莫能定、迺七寶函、致雍岐等三十州、州各一塔。天寧寺塔其一也。塔高十三尋、四周綴鐸、以萬計、風定風作、音無斷際。寺僧云、音欲

則光見。或歲一見。或數歲見。嘉靖庚戌三月廿八
夕。婁東王司寇世貞宿寺中。微雨簌簌。塔鐸忽
他聲作于下。杵杵然。類蛩鼓翼者。視相輪表。青白
光晶淺。大于五斗甕。上下閃爍。間一射人衣。亦青
色。可炊黍時。乃定。則鐸聲發。他杵杵聲息也。塔
倒影在大士殿。日方中。闕殿中門。日入門。鐸塔全
影倒現石上。昔人云。影從竚入。空中物則旁礙。礙
則影東。影東則倒。段成式云。海水倒翻故爾。然是

舍利珠影也。珠光上聚攝入塔影。影入隙光。光則
倒受。倒者。光中塔影。非此塔影也。今懸鏡中像。過
傍鏡。其物正倒也。陽燄倒影者。日光倒入也。又光
從上來。層十三具。光一再傳。物體則小也。佛光。日
也。舍利珠光。月也。光色青白。每見以夜及晦及雨
也。佛光恒在。人目體陰。避光。日中見影。門隙。今穿
竹至丈。承目指空。方晝見星也。塔前一幢。隋開皇
中立。書體道美。楊升菴云。最似歐褚筆法。寺在唐

開元名天王寺、正統始名天寧、或曰京師古幽州也、府所建塔藏舍利者、幽之弘業也、幽今無弘業、天寧之先、又不爲弘業、意者志缺之、志缺之、安知弘業不爲天寧也、

慶陽李夢陽天寧寺觀塔碑○舊瞻天寧塔、今覽天寧寺、茲塔多鬼怪、光芒夜夜至、不知何時殿結構、今頽棄、剔薜讀其碑、識是隋文帝、封塔半剝落、雙龍猶吳屬、我來值時暮、境迥發清閨、修

陸、控、趙、代、長、山、衛、燕、冀、蒼、然、野、眺、合、一、麗、楊、朱、
溪、

涼、陽、河、景、明、天、寧、寺、塔、○七、級、芙、蓉、起、千、年、舍利、
藏、地、形、像、海、嶽、人、代、閱、隋、唐、境、現、三、天、象、珠、舍、
四、日、光、白、毫、空、萬、里、處、處、有、迷、方、

開、縣、林、瘵、天、寧、寺、塔、○寺、古、傳、因、塔、莊、嚴、禮、上、方、
高、標、出、雲、漢、浩、劫、記、隋、唐、縹、緲、聞、清、梵、虛、空、散、
妙、香、直、疑、多、寶、湧、時、現、佛、珠、光、

華亭范惟一春日過天寧寺○出城殊未遠入寺

已肅然。聽覽諸猥爭。慈嚴一塔懸。林花飛繞客。
對鳥語應禪。不敢求光現。心知與俗緣。

大令王世貞過天寧寺望塔○浮圖階寶額舍利

遺金人。龜背雲趺象。龍蟠海藏鱗。蟬。依日月。

飛界隔風塵。縹緲這幻境。巖崎近復真。雲標象

外藏。玉樹空中新。萬劫留真相。諸天護法輪。空

隣誇聖眼。猶是滯凡身。倘有摩尼在。春風一問

漁

夜宿見塔光○飛光登岩峩，迴風萬蟬黑。神光
發寶樹，定力轉金標。燭耀潭難照，點被迴不消。
朏驚春月上，昏憶曙星將。然則珠璣此，神龍燭
乍飄。一燈披幻劫，萬界出沈寥。自矢迷津曉，俄
然覺路遙。不須求指示，平域本非遙。

臨清謝祿天寧寺對雨同殷正夫李于鱗賦○諸
大忽風雨。蕭颯動僧扉。殿冷鴛鴦靜，鉢空龍未

歸曉留軒見客秋。到海藏衣後夜懷。支遁遠驂
鐘磬微。

興化宗臣午日同李于鱗遊天寧寺○得爾逃名
者。今辰又梵林。山遙楊柳細。路險薜蘿深。古塔
已堆磔。荒林曾布金。禪經羣鳥下。點法一龍吟。
舍利光蕪滅。菩提跡豈沉。空虛能悟性。清淨不
依心。雲竹窺禪相。風篁度梵音。果來看結果。酒
至對蒲斟。世事形骸甚。浮生日月侵。慈航知可

渡同爲解朝餐

天寧寺同于鱗子與元美餞別公實○孤臣辭
上國匹馬自祇園樹影僧窺日鐘聲客到門江
湖難寓目天地亦銷魂行念中心約相思且勿
論

蒲州王家屏再游天寧寺○野寺青山近何嫌出
郭頻塔高雲不礙樹老霧相親茗吸松花細經
翻貝葉新僊能偕吏隱尤自喜僧貧

汧陽陳文燭同方侍御遊天寧寺○爲惜招提近
扶，醒，信，短，筇，延，風，爭，萬，鐸，落，日，過，孤，松，禪，語，時
時得秋山處處供尚憐方侍御僧有皂囊封一

南樂魏允中登天寧寺閣○命駕偶有適結廬無
茲美，窈窕黃金龍，玲瓏白玉几，懸中列山川，樹
杪分城市，法雨散來空，梵天清若洗，散髮倚層
軒，橫目盡千里，漢闕浮雲端，蓮峰落日裏，茅屋
斷蒼烟，桑田滔流水，慈渡在何方，世界莽如此，

曠望消人憂，引杯殊未已。

信陽周復元天寧寺塔○幾旬茫茫萬頃平，疎林
高出一杖撐。曉看紅日來滄海，暮指銀河上太
清。窓扃流雲隨變幻，樓臺倒影別虛明。苔封隱
隱隋唐宇，愁殺風塵傷帝城。

秀水仲嘉春日過天寧寺○就近踏春色，天寧塔
院森。振風千萬鐸，穿日十三尋。舍利聲光異，隋
唐歲月深。午中看倒影，疑信滿人心。

盧溝橋

盧溝橋跨盧溝水。金明昌初建。我正統九年脩之。
橋二百步。石欄列柱頭。御母乳。顧抱負贊。態色相
得。數之輒不盡。俗曰。睿公輸班神勒也。橋北而材
數百家。已巳歲。虜焚掠畧盡。村頭墩堡。循河旋旋。
望去如堞。攷盧溝水出太原天池。伏流至馬邑。從
雷山陽發爲渾泉。是曰桑乾水。雁門雲中水皆會。
經太行。經定平。東南至看丹口。支爲二。其東支通

州注白河其南支霸州會易水又南經丁字沽注
運河是水過懷來委委兩山間磬折回射不得自
左右惟所來之。迺亦按其厓怒。迺宛平而西四十
里石景山東地衍土疏。惟解斯受。水雷奔雲洩。意
左趨左。意右趨右。永樂十年七月河潰岸八百二
十丈脩焉。洪熙元年七月潰狼窩口百丈脩焉。宣
德三年六月潰百丈脩焉。正統元年七月潰小屯
厓脩焉。正德元年二月潰岸六百丈脩焉。蓋河至

建安楊榮盧溝橋北上○河聲流月清聲殘咫尺
西山霧裏看遠樹依稀雲影澹疎星寥落曙光
寒石橋馬跡霜初滑茅屋鷄鳴夜可闌北上已
看雙闕近五雲深處是金鑾

新淦金幼孜盧溝橋○盧溝天橋出桑乾月照河
流下石灘茅屋鷄聲斜漢曠沙汀雁叫早霜寒
水光漠漠山烟白野色搖搖塞草殘千古長橋
枕南北憶曾題柱倚闌干

永豐會。曉過盧溝橋。○渺渺平沙接遠堤。一川
斜月不梁西。光連古戍。迷鴻影寒。逐晴霜入馬
蹄。雲澹漸看銀漢沒。烟空微覺玉繩低。經過曾
此陪僊蹕。兩度停驂聽曉鷄。

莆田林環盧溝橋。○疎星寥落曉寒凄。月色沙光
入望迷。野戍連雲寒見雁。人家隔水遠聞鷄。渡
間素森三秋淨。天際清橫萬木低。馬上遲遲殘
夢斷。鐘聲遙在禁城西。

泰和梁潛廬溝橋北上○迢遞柔乾河水平東方
欲曙月斜明、蘆花釣舫、渙初去、茅屋人家鷄正
鳴、咫尺嚴城通御氣、依微紫禁動鐘聲、石梁如
砥霜華重、會危鑿與拂曙行

錢塘王洪盧溝橋南發○河上人家尚掩扉、河中
孤月蕩寒輝、清霜古店聞鷄早、落葉空林見客
稀、飛雁數聲秋影沒、遠山一帶曙光微、壯遊記
得東南道、匹馬高吟此日歸、

無錫王綬扈從過盧溝橋○扈蹕重來促曉裝、鷄
聲殘月樹蒼蒼、數峯雲影橫空澗、一帶波光入
渺茫、人語悄、傳孤戍、火馬蹄寒、踏滿橋霜、望中
風景俱堪思、况復樓臺是帝鄉、

鄧州李賢曉過盧溝橋○金鷄唱徹扶桑曉、殘月
娟娟挂林杪、長河斜抱風池面、流影遙連碧波
杳、橫橋遠亘如游龍、明珠影落長河中、桂魄千
層琉璃瑩、翳光萬頃玻璃同、霜葉飄飄綴馬鬣、

沙河閃爍黃金屑。蘆荻聲脆。風力寒。朔。霏。絕。上。
銀河。滅。往。年。幾。眼。曾。一。臨。碧。波。渺。渺。荷。花。深。干。
官。振。轡。發。歸。騎。月。華。猶。在。西。山。岑。

家。陰。公。羅。渡。盧。溝。入。西。山。前。境。○。塵。擁。盧。溝。道。山。
看。日。近。斜。下。汀。辭。塞。雁。立。岸。忍。秋。花。紺。宇。分。編。
尺。青。帘。半。酒。家。東。南。通。物。力。粒。食。任。荒。沙。

過。盧。溝。○。山。夾。渾。泉。土。氣。寒。居。庸。直。北。趙。桑。乾。
輕。看。一。線。盧。溝。水。未。到。燕。門。橋。上。看。

宛平于奕正過盧溝橋中甫舊營○渾渾滾滾盧
 溝水○三年烽火愁行李○天聲中有一將軍如云
 負國羞知己○五日招兵十日行○襖袴無袴扎新
 營○天爲帝城祛萬丐○元戎司命徒空名○硝黃鉛
 子給不齊○曹郎一笑三軍啼○步步向前搏徒手
 黃沙爲高日爲低○烏合未幾鳥散翔○將軍慷慨
 盧溝侯○易言兵亦易言死○猶勝紛紛脫妻子
 胡張方以智過盧溝橋○河道出桑乾橋頭薄日

寒榆關春色，迤遶海暮雲。
錢征雁，到雙關，歸鞍
控一鞍驚沙，過獨鹿，回首遠長安。